





玉鳧詞



玉鳧詞序

魏塘曹爾堪撰

憶庚子冬樗亭兄弟公車入燕握手邸舍
不減故鄉之樂明春闈石得雋擬首唱第
一而臚傳時忽以他卷易之樗亭歸而益
自脩砥博涉風騷逃覽經史所著詩古文
亦幾於等身矣偶以餘暇工爲小詞無不

三身言月一
扶髓花開奪胎蘭畹對清尊而惆悵拾紅
豆以纏綿悅於魄而動於魂古人之言豈
欺我哉吾黨之詞見稱於海內者陳李前
驅轅文駿駕俱已玉樹長埋宿草可悼矣
尚木清華尊僧香麗而或乘五馬以徙鱷
魚投三杼而棲白燕近製寥寥未易多得
也如子璧味文子山麗冲皆有專稿爲藝

林膾炙獨樗亭之詞出而同人退舍莫與
頡頏由其神力震盪足以推倒智勇開拓
心胸耳客冬浪遊還里時樗亭以長歌見
贈爛若披錦而余放廢衰頹江郎之管夢
中爲人攫去忽忽未酬深抱愧怍偶過邗
溝見無言新梓玉鳧詞讀之快絕燭跋未
眠澆以大白因剪燈書之并藉手以復樗

亭

蕭風愁古淡林垂
中為入翠志
中為入翠志
中為入翠志

中為入翠志
中為入翠志
中為入翠志

中為入翠志
中為入翠志
中為入翠志

中為入翠志
中為入翠志
中為入翠志

玉鳧詞目次

小令

憶江南 八首

長相思 二首

楊柳枝 一首

點絳脣 一首

菩薩蠻 七首

醜奴兒令 一首

謁金門 一首

如夢令 二首

生查子 一首

女冠子 第一體 一首

浣溪紗 十三首

卜筭子 一首

減字木蘭花 一首

清平樂 二首

阮郎歸 一首

畫堂春 二首

山花子 一首

眼兒嬌 一首

桃源憶故人 一首

三字令 一首

柳梢青 三首

少年遊 一首

南歌子 一首

雙調望江南 十三首

賣花聲 一首

思佳客 四首

虞美人 五首

鵲橋仙 一首

南鄉子 三首

踏沙行 四首

小重山 一首

中調

臨江仙 第四體 一首

蝶戀花 三首

唐多令 一首

蘇慢遮 一首

一剪梅 一首

漁家傲 二首

醉春風 一首

行香子 一首

青玉案 二首

天仙子 一首

江城子 一首

傳言玉女 一首

風入松 一首

御街行 一首

婆羅門引 一首

紅林擒近 一首

祝英臺近 一首

柳初新 一首

驀山溪 一首

長調

八聲甘州 一首

滿江紅 四首

水調歌頭 二首

滿庭芳 二首

鳳凰臺上憶吹簫 一首
醉蓬萊 一首

玉蝴蝶 二首

念奴嬌 五首

木蘭花慢 一首

南浦 一首

瑞鶴仙 一首

宴清都 一首

春從天上來 一首

二郎神 第一體 一首

望湘人 一首

夜飛鵲 一首

沁園春 二首

漠魚兒 一首

賀新郎 二首

共六十九調一百四十一首

共六十六時一百四十二首

贊德和

小南春

越州吳

又與

玉鳧詞 卷上

華亭董 俞樗亭誤

新城王士祿西樵

評

武進鄒祇謨程邨

休寧孫 默無言較

小令

憶江南

本意

江南好。最憶石頭城。孫楚樓邊春繫馬。莫愁湖畔夜彈

玉鳧詞

卷上 小令

留松閣

三身言
卷一
一
箏佳麗勝西京。

鄒程邨

云清麗

又

江南好。其次憶蘇州。笠澤潮生春網急。楓橋雨細曉鐘愁。遠嶠翠烟浮。

兄文友云是吾家北

苑一片江南景也

又

江南好。虎阜更如何。短簿祠前羅襪淺。真娘墓上繡茵多。夜月聽笙歌。

又

江南好。攜手慧山傍。三月鶯花歌舫客。半巖風雨碧泉香。玉腕試瓊漿。

又

江南好。鐵甕暮潮喧。瓜步秋風殘堞隱。金焦夜雨大江寒。北固路漫漫。

又

江南好。白苧景偏奇。短榻夜山聽鶴唳。袂衣秋渚採蓴絲。幽絕令人思。

又
江南好。江北憶維揚。舊苑瓊花香雨斷。畫樓檀板碧簾涼。往事最難忘。

王西樵云不必濃
至而一往可思

又
江南好。西去是嘉禾。千尺畫樓寒樹外。斷烟依舊鎖南湖。雙槩一漁簑。

陳其年云八首此
香山更婉麗秀爽

如夢令

借別

小閣廉纖微雨。金鴨水沉一炷。臨別苦丁寧。攜手畫欄深處。人去人去。長日滿庭飛絮。

王阮亭云不言
愁我已欲愁

春夜

簾外鷓啼風細。落月春蕪滿地。香盡畫樓閒。知道玉人沉醉。君記君記。正是消魂天氣。

兄文友云消魂處正在知道二字。僕有句云索性不聞消息好。玉鏡臺邊又是鶯聲悄。每憶往事彈指久之。况在月落春蕪時候。

長相思

山驛

山鳥啼。水鳥啼。水濶山青路欲迷。愁他雙槳遲。酒醒時。夢醒時。花又無。月又低。莫教羌管吹。

兄文友云無聊着在花身上說妙妙

雨後

梅花天。杏花天。春在前溪梅杏邊。花開兩岸烟。風滿船。雨滿船。風雨寒燈夕不眠。愁來更可憐。

鄒程郵云花開兩岸烟化工之筆

生查子

別意

高樓酒一卮。腸斷分離處。前夜秣陵花。今夜瀟湘雨。獨倚木蘭橈。酒醒山無數。試問此時心。心似秋蓮苦。

田髯淵云酒醒山無數眼前景無人道得

楊柳枝

春閨

愁絕蕭郎音信稀。夢中歸。畫簾風動六銖衣。篆烟微。小園閒却鞦韆索。桐花落。最憐白晝燕雙飛。怨春暉。

陳椒峰云短句押得湊拍

女冠子 第一體

月夜

綠蕉深隱。又見一鈎蟾影。繡簾垂。嫋嫋蓮三寸。亭亭玉一枝。相思情似絮。相見淚如絲。私語屏山曲。立多時。

彭羨門云立多時三字正耐人無限尋索

點絳脣

東友

泉冷雲深。仙翁靜愛青山宿。曉松如沐。夕澗幽禽浴。

舴艋歸來。獨對羣峯簇。爐烟馥。滿庭黃菊。簾捲秋塘綠。

錢葆馥云分用沐浴二字巧

浣溪紗

夏景

落日涼颺曲檻南。紅蕉初展燕呢喃。碧厨冰簟酒微酣。茉莉暗藏鑲玉枕。葡萄輕染薄羅衫。笑偎蓮臉不知

慚。

彭羨門云妙在不知慚三字比相如時來親臣語更覺精魂

風情

絳蠟春醒暈粉腮。畫欄斜凭，溜金釵手拈梅豆。要郎猜
鳴綠雙番鴛尾帶，猩紅一程鳳頭鞋。澹蟾偷影，覩陽
臺。

陳其年云文友詞雙眸
亂顧渾無主定謂此時
兄文友云幽輝半床
如見雙文夜來時

春遊

嗚嗚閒情似水流。暮江人上木蘭舟。畫橋西去笛聲幽。
客醉夕陽芳草路，鳥啼寒食杏花樓。澹烟微雨一春

愁。

彭美門云客醉一聯妙入佳境李景
細雨夢迴小樓吹徹兩語庶足敵之

前題

側側東風漲綠池。燕嬌鶯嬾夕陽遲。踏青天氣鬪茶時。
綺席興酣銀鑿落，瑣窗腸斷玉參差。畫船歸去雨絲

絲。

離思

孤館寒更悵獨眠。那人疑在繡衾邊。歡情別恨兩纏綿。
記得夜深嬌未睡，背燈無語立床前。髻鬆腰嫩最堪

憐。

曹顧庵云的是可思又
復善寫便覺盈盈在目
毛稚黃云消魂
語絕勝韓冬郎

美人春睡

細雨屏山掩綠苔。侍兒私語傍粧臺。春醉眼慵開。
鴛枕暖。偎紅粉。頰麝煤。香浸繡弓鞋。翠幃風動夢初

來

彭美門云翠幃風動
夢初來極耐人思索

春閨

鬪草歸來雨濕衣。畫簾春靜蝶雙飛。黛螺高綰繡裙低。

時

好夢每嫌嬌鳥喚。幽情只許侍兒知。小窗燈灺憶人

兄文友云僕和阮亭詩有屏簾幌動移燈後銀剪
聲停卸髻初不若小窗燈灺一語更覺黯然也

羈遊

羈思春情兩不堪。嫩寒微雨透征衫。翠堤迢遞路曾諳。
村寺日斜山潑黛。野塘風靜水接藍。斷腸芳草遍江

南

柳程邨云柳塘春水花塢
夕陽寫景閒麗無過於此

春感

玉皇司

卷七 小令

留松閣

竹塢烟深禽影偏。溪橋花落浪痕圓。澹雲芳草袂衣天。
舊院碧桃人似夢。小窗紅燭夜如年。坐殘銀漏阿誰憐。

錢葆勳云纏綿
縹緲墨潘俱香

詠雲和子四調 書

麗殿晴窗花影垂。新茶潑雨瀉縹瓷。偶拈銀管蘸琉璃。
青簇晚山輕似髻。綠浮春水細於絲。江南小景勝徐

熙

兄文友云便覺有盈盈秋水淡淡春山
在目前不知是畫是人是蒼水詞也

又 棋

百寶欄前暑氣清。研羅衫薄茜裙輕。枕痕一線夢初醒。
閒看綠窗消蕙炷。自描紅玉作棋枰。重圍誰為解劉

生。

許漱雪云
幽倩盲人

又 詩

細楷吳綾點漆螺。微吟釵溜綠雲窩。年來詩句斷腸多。
對鏡漫裁金縷曲。背人偷和竹枝歌。春心一寸奈愁

何。

王西樵云
筆情賦細

又琴

靜院幽思半不禁。冰泉滿匣瀉瑤琴。阿誰知得此時心。
碧沼雨餘啼鳥寂。繡簾風細落花深。小牕彈罷獨沉吟。

兄文友云碧沼二語一字不寫琴却字字是琴妙

菩薩蠻

別恨

芳塘弱柳波紋碧。畫樓香雨花光濕。夢斷曉鐘殘。床堆

繡被閒。漫將沉水薰。心似丁香結。嚙指暗尋思。相逢定幾時。

彭羨門云床堆繡被閒金荃集中佳句

閨情

畫簾簌簌梧桐雨。晚粧初罷嬌無語。燈下強偎人。羅衫澆酒痕。肌香溫繡被。感損眉山翠。未慣是雙眠。須即着意牽。

彭羨門云不日未慣孤眠而

日未慣雙眠妙處故應在此

王西樵云肌香溫繡被是溫柔鄉中第一受享語

未慣是雙眠作嬌得妙正恐單眠轉益不慣耳

秋景

草堂人去烟光夕。藕花殘。雨銀塘碧。蝶夢此時幽。蟬吟
一院秋。庭梧飄玉砌。曲磴茶烟細。獨坐數歸禽。疎鐘

逗遠林

宋荔裳云逗字最
熟此處用得却好

梅花

斷橋雪霽溪聲冷。溪邊數點寒鴉影。山店暝鐘來。香
花正開。羈愁凝望處。玉邃吹香雨。瘦萼不禁春折來。
愁殺人。

王丹麓云詞亦如
雪之清如花之秀
見文友云
字字溫韋

懷友

去年元夕和君別。今年又見梅如雪。寒鴈一聲聲。君從
何處聽。愁來渾似醉。彼此同憔悴。烟艇暮江寒。誰憐
行路難。

許漱雪云澹宕
中自覺情至

良會

鳳釵欲溜歌香枕。棗花飛墮鴛鴦錦。漫藝玉爐香。那愁

今○夜○長○
顛○狂○真○箇○醉○不○放○檀○郎○睡○些○事○最○消○魂○啼○痕○
和○齒○痕○

王西樵云牛嶠詞須作一生拚盡君今日歡李後主詞奴爲出來難教君恣意憐皆是將極姝蕩事寫得入妙此詞亦爾是蒼水力摹古人處

湖舫醺集贈友

南○屏○已○作○三○年○別○倦○遊○相○對○花○如○雪○行○到○畫○橋○邊○斜○陽○
正○可○憐○
綠○簑○香○雨○小○橫○遂○孤○山○曉○同○泛○鄂○君○舟○湖○烟○
淡○不○收○

兄文友云自斜陽而向曉此香雨不沾在鄂君繡被中耶

卜筭子

江亭

黃○鷗○語○不○休○飛○入○紅○香○暖○醉○倚○江○邊○百○尺○亭○一○抹○柔○藍○
遠○
沙○雨○舞○鬢○髮○渡○口○霞○光○亂○撥○刺○織○鱗○水○面○遊○點○點○
菱○花○晚○

兄文友云
身在畫中

醜奴兒令

燕子磯

年○年○腸○斷○清○溪○路○燕○子○磯○頭○暫○繫○扁○舟○飛○盡○寒○雲○水○自○

流。六朝舊恨斜陽裏。無數沙鷗。莫上高樓。葉葉丹楓。賺客愁。

減字木蘭花

羈遊

去年寒食。滕王閣上。次橫。遂今歲清明。鄧尉峯頭。聽早鶯。幾回欲去。却被春山。留我任羈思。茫茫且對繁花生。一塲。

鄒程邨云白鶴雲中同此軒舉

謁金門

山寺

山欲暝。山半一聲孤磬。兩兩野猿攀絕磴。寒潭落日淨。簾內老僧入定。簾外松花滿徑。古殿石燈金粟影。心珠常自瑩。

兄律始云簾內二句何等閒淡與坡公空山無人水流花開俱極自然之致兄榕庵云偶想此境入山欲深

清平樂

早行

荒亭古驛。雨送疎鐘濕。饑鼠啣花燈下立。驢背一聲簾。

十二
縑塵白。恰堪悲澹雲。芳草萋迷。誰把玉簫輕按。離人正是愁時。

黃艾庵云。覺鷄聲茅店無此幽寒。

幽思

酒醒何處。月落溪光。曙窗外子規啼不住。真箇不如歸去。莫言身後虛名。難忘菰飯蓴羹。契濶山中茅舍。恐他鶴怨猿驚。

陳叔峯云。通首在酒醒二字領出。故妙。

阮郎歸

風情

綠蕉殘夢雨絲絲。黃鶯飛去遲。玉郎偷影入羅幃。巫山路不迷。湘簾滑翠鈿。欹燈花雙穗垂。凭肩密約兩心知。香唇暗齧時。

兄文友云。僕詞釵脚漸橫。欹雙纏畧褪。些不入。蓉渡集中讀此。或不妨補入。

畫堂春

詠美人足和友人韻

鳳頭低露畫裙邊。繡幫三寸花鮮。凌波何幸遇嬋娟。瓣瓣生蓮。恠殺夜來狂甚。溫香一捻堪憐。玉趺襪盡軟。

行纏被底燈前

許漱雪云豔冶處自
饒蘊藉不曾真箇也

王西樵云咏此等不得不極
意誰能復顧秀鐵面之呵也

詠美人目和友人韻

銷魂全在眼波秋。盈盈怕見春愁暮。江人去正凝眸。粉
淚難收。密意燈前頻送。幽情扇底微鈎。綉幃斜睨半
含羞。別樣風流。

陳叔峰云寫

出日成光景

兄文友云傳神

正在阿堵中

山花子

春情

脉脉柔情怯曉風。茜裙雙帶綰芙蓉。僻徑遇人羞背立。
柳陰中。幾度暗顰眉黛縐。一回微笑粉痕紅。願作翠
堤芳草軟。襯鞋弓。

王西樵云僕有詩云願化芳磁供茗

飲將身一印口邊脂敢以舉似蒼水

兄文友云自陶公閒情賦後唐人願為明鏡分嬌面
願作樂中箏。研羅裙上放嬌聲。俱盡致極。研蒼水乃

願為芳草襯鞋弓。可謂
每願愈卑而情詞愈好

眼兒嬌

重過維揚

亂蟬衰柳泣。邗溝舴艋是重遊。青山不改紅蕖將吐。白
了人頭。數聲畫角。殘陽裏。羈客易悲秋。多應惹起十
年舊夢。一片閒愁。

黃艾庵云

北宋之遺

桃源憶故人

別愁

玉驄肯任人難任。漠漠征塵何處。只有芳魂似絮飛向
陽關路。綠蕉影裏。雙鬟語。夢斷風流無據。屈指鳳城

人去。幾度紗窗雨。

陳山農云芳魂似絮無人道得

三字令

重過燕山

燕市客。悵重遊。又深秋。涼月小。暮山愁。玉蟾蜍。金腰褭。
醉紅樓。人如玉。倚香篝。撥箜篌。紅蠟下。錦纏頭。眼波
橫。眉黛淺。最風流。

兄文友云句短調促最難于穩協此
獨出之自然覺增一字作句便贅
兄律始云錯
落如珠走盤

柳梢青

江寺

幾點遙山夕陽西下黯黯殘雲柳絮將飛杏花初謝江
上孤邨天涯又值殘春更不禁青衫淚痕細雨扁舟
寒燈古寺一箇愁人

鄒程邨云一箇愁人妙
在從上細雨二句襯出

兄文友云
對此茫茫

贈妓

記得年時羅敷未嫁碧玉初笄
紈扇深遮雙螺高結剛

解相思花前珍重幽期更恰好燈昏篆微半餉儂人
十分濃醉一味嬌癡

陳山農云此無端銀燭墮秋
風靈犀得暗通覺猶惹藉

七里灘

莫向江頭問他漁父誰醉誰醒一葉輕船數聲橫玉雲
樹冥冥狂奴故態堪驚垂釣處寒鷗亂鳴花落鷗灘
蘋香蟹斲潮白山青

王西樵云潮白山青爲

巖灘寫照語不在多

鄒程邨云憑弔之作皆以

靈心雋舌寫之自覺不同

小令

留松閣

少年遊

江景

白蘋古渡。丹楓遠寺。好景正深秋。暮嶺重重。寒霞片片。江路去悠悠。羈遊汗漫。寸心千里。回首不勝愁。漁寺歌殘。柳橋人散。涼月伴孤舟。

張洎侯云漁寺三語可敵白香山琵琶行

南歌子

詠所見

嫩綠含烟舞。妖紅映水明。珠宮寶幙勝層城。驀地絳雲

深處遇娉婷。

繡帶鴛鴦煖。羅裙蛺蝶輕。紅兒爲字雪

兒名偷看桃花扇底最關情。

吳梅村云
歐晏正派

雙調望江南

楓橋夜泊

楓橋路。烟水正迢迢。欲向東君尋舊約。渚花巖月兩無聊。孤負是春宵。人何在。獨倚赤欄橋。遙憶去年櫻笋候。畫船紅燭聽吹簫。往事更魂消。

陳椒峯云柔情

麗句脉脉盈盈

爲友人悼歌姬桐月

江南好。烟景媚晴川。柳絮澹雲寒食節。杏花香雨袂衣天。腸斷畫橋邊。初相見。碧玉破瓜年。半嚮幽歡疑夢裏。幾番私語避人前。嬌小最堪憐。

兄文友云蒼水詞每用袂衣字此杏花句竟可單行亦何減枝頭春意闌耶

又

江南好。花信正芳菲。金屋莫愁偏早嫁。畫船桃葉恰同歸。風動六銖衣。閑竚立。不羨蝶雙飛。銀甲按箏歌調促。玉杵賭酒笑聲微。往事尚依稀。

曹顧庵云促字微字都穩

又

江南好。良夜月華新。舞罷爭看垂素手。歌殘未許齧丹唇。妬殺是橫陳。恹恹病。憔悴度芳春。何事窈娘偏薄命。多應小玉是前身。縹緲夢中人。

錢葆勳云珠簾鸚鵡宛轉多情

又

江南好。人在畫船中。桃扇半歌眉黛嫵。杏衫初卸粉香融。洛浦降行踪。尋芳去。款乃夕陽紅。屬玉雙飛春恨

三身詩 卷一十八
淺丁香百結。暮愁濃。相憶勿相逢。

又

江南好。六曲畫屏開。真箇有情憐。宋玉未應輕折在。章臺幽徑少人來。燈兒下。嬌絕粉香腮。無語但垂雙舞袖。背人偷換合歡鞋。長夜費安排。

王阮亭云結句可思亦復解頤

又

江南好。淶水蘸明妝。卓女漫誇眉際黛。婕妤別具體中香。窄地舞裙長。風流甚。半醉泥檀郎。蝶塢迷藏無處

覓鴛幃。秘戲不禁狂。些事費思量。

王西樵云滄派於花間草堂之間得其三昧

又

江南好。驀遇曲欄邊。弱柳作腰長。自顫天桃。釀面益生妍。一笑更嫣然。畱歡住。雙跪佛龕前。鉸臂不忘同死約。癡情還想再生緣。私誓兩心堅。

彭羨門云極寫纏綿之態字字妖艷

又

江南好。烏柏夜烏啼。楚峽乍逢真。似夢隋樓欲到忽生

玉是詞 卷一十八 小令 畱松閣

迷何異武陵溪。燈如晝。檀板翠眉低。金谷好花曾共賞。翠屏纖手憶同攜。醉墨曩時題。

又

江南好。佳麗數紅兒。祇為獨眠偏起早。翻因客約故來遲。心事阿儂知。疎桐影和月亂。呆思子夜曲。殘人已醉。甲煎燒罷。帳還垂。端的是情癡。

丁飛濤云獨眠二句最有思致兼有情味

又

江南好。愁坐厭芳樽。青鳥漫傳千里信。彩鴛應化異時魂。孤負月黃昏。疎鐘靜。屈戍掩重門。繡閣不聞蓮屐響。羅衫曾印口脂痕。無計再溫存。

秦對巖云羅衫句酸艷

又

江南好。孤館又新秋。明月正圓偏作暈。彩雲欲散迥難留。暮雨更添愁。閑思遍。曲巷少年遊。燈下卸頭簪。茉莉帳中含笑撥箜篌。往事最風流。

黃艾庵云

低回可念

徐野君云如此香豔直令溫李變色周秦却步

又

江南好。腸斷為知音。南陌碧桃尋舊約。西陵繡帶結同心。良夜漏沉沉。人何在。門閉落花深。膩粉尚粘雙鈿。合殘香猶暖。舊瑤琴。幽恨至今。

鄒程邨云是結體

賣花聲

江村

斗帳異香熏。無限溫存。鳳簫吹罷更偎人。枕上雙蛾衾。上淚事事消魂。潦倒厭芳尊。身在孤村。梧桐殘露隔

窗。聞別是一番滋味也。月澹燈昏。

王西樵云枕上雙蛾衾上淚消魂故在箇中從月澹燈昏時思之尤難為懷

思佳客

和吳夢總詠半面髒

雲雨巫山已渺茫。尚餘粉靨費端相。細腰猶想藏衾內。高髻還疑墜枕傍。桃葉艇。杏花牆。一般微露斷人腸。而今青草斜陽裏。漫學徐妃半面粧。

吳六益云夢窗本詞僅一闕耳而辭意平平視此悽艷幽澹以才人之彩筆為導師之指點青蓮詩有云白骨寂無言青松豈知春同此驚心動魄

又

蝶蝶芳魂那可招。無端半面尚含嬌。香埋秋蘚藏羅襪。影斷春波失翠翹。金鳳慧玉環妖。賸留雙嫵待人描。勸君莫作繁華想。細雨飛花一夜消。
金鳳即閩王王延鈞陳妃
鄒程邨云幽寒處如照青燐

又

人面桃花一樣殘。東風孤塚不勝寒。移時蓮步空餘窄。嚼處櫻桃已損丹。寒食路北邙山。荒榛長夜雨漫漫。當時無限相憐惜。覓取情人試一看。

陳山農云末語

更點得警醒

又

杜宇啼殘一夜風。棠梨猶剪嫁衣紅。曾於簾內匆匆見。却向溪邊草草逢。山靜悄。月朦朧。青燐數點蠟燈同。從今落盡鉛華色。天女鳩茶總是空。

兄文友云抵得一部楞嚴

虞美人

相逢

海棠憔悴春光去。白晝廉纖雨。瑣窗愁坐正思儂。恰好

畫堂深處。驀相逢。繡裙窄地。雙鴛小。妬殺腰支。裊博山香細。酒微溫。無奈嬌波。燈下最撩人。

兄文友云天然俊生

感舊

碧蟾偷弄梧桐影。屈戍霜華冷。玉人何處夜燒香。記取畫欄西轉。曲池傷。別來瘦損腰如削。還憶花前約。此生無刻不關情。最是蘭膏欲燥。酒初醒。

王西樵云蘭膏欲燥酒初醒未免有情亦復誰能遣此

旅懷

晚峯斜帶秋雲碧。悶坐羈懷積。楚江迢遞夢難通。愁看別時紅豆。繡囊中。小樓隙月風箏細。落葉吟香砌。酒醒燈暗。畫簾垂。試問此時心事。誰能知。

王西樵云大似義山詩境

登太白酒樓

齊山幾點青螺小。千尺寒波遶。無端舟楫往來忙。試問千秋誰似。謫仙狂。孤城畫角烟初暝。望斷江南信。勸君此處莫凭樓。只恐白雲飛去。不勝愁。

彭羨門云仙裳飄舉我欲馭雲

度江述懷

夜闌怕向蓬窗睡。請盡孤眠味。長江笑我往來頻。况是
早春時候。倍愁人。從前好景都辜負。總為儒冠誤。此
身底事不能閒。贏得半江風雪浪如山。

王西樵云不特天問無對
恐此自問亦復不能自答

鵲橋仙

清明

鶯聲似曲。花光如醉。玉淑波紋微皺。亂州苦雨近黃昏。
又醞釀清明時候。迢迢歡夢。厭厭酒病。小院坐殘銀

漏。情知薄倖不歸來。猶自把繡衾薰透。

翁紀長云如見無聊
之狀如聞歎息之聲
兄文友云僕詞明知不是伊家屐響聊
且開門自慚男子種蘭美而不芳矣

南鄉子

歸思

江上笛聲殘。雙槳悠悠去不還。蓬背雨聲潮又急。潺潺
兩岸吳山。濕影寒。憔悴損朱顏。屈指韶華鬢忽斑。回
首故鄉千里外。漫漫。獨對梅花淚暗彈。

鄒程邨
云當家

月夜

羅襪錦茵重。葉葉銖衣不耐風。去似彩雲來似夢。匆匆。腸斷迴廊細雨中。愁倚畫樓東。六曲屏山燈影紅。月自徘徊花自笑。隴牒孤負。鑪香徹夜濃。

王阮亭云是善

寫麗情幽思者

許漱雪云

香妍幽秀

垂絲海棠

爛慢趁新晴。絳萼穠葩蘸水明。慵倚寶欄香又軟。娉婷。惹定春光最有情。曉幙正啼鶯。浥露垂垂力不勝。渾

似玉人初睡起。輕盈媚臉紅潮醉未醒。

彭羨門云字字是垂絲非泛詠海棠也

踏沙行

佳人

繡袂畱香羅裙拂翠盈。盈絕稱韶光媚漫將團扇掩嬌羞。風流偏解憐夫僭。燕妬雙棲蓮慚並蒂酒酣百種春情眠。小屏低檻月朦朧。雲鬟壓枕花香細。

吳日干云樽亭每吐一語能使無情道人悵然不語况選夢尋春者乎

春望

陌柳飄綿。園梨糝雪。紅亭綠酒。人離別。春光不是別離時。別離偏向春時節。舊夢無痕。新愁似結。亂鴉啼處。山千疊。漁燈點點。隔江明。蘋絲帶雨。波聲咽。

彭羨門云蝶影柔荑

鶯聲芳樹才情如許

兄文友云讀春光二語覺唐人

春帆宜別家五字大是忍人

落花

狼籍金鋪。飄零玉淑。蕙紅皺白。隨風舞。殘枝裊裊。怨斜陽。玉環飛燕。俱塵土。
辛稼軒句
蝶泥餘香。鶯辭荒圃。畫橋客散。濛濛雨。美人睡起。正凭闌。嬌波凝矚。愁無語。

王西樵云畫橋七字天然好語

前題

桃片榮烟。梨花墮雪。畫樓惆悵。聞啼鳩。紅妝掩淚。訴東君。低徊欲向枝頭別。可是嬌姿。風姨妬絕。頓教一夜芳菲歇。而今筭做未開時。何須檀板悲歌咽。

兄文友云如此消遣大能作達

小重山

春情
百寶欄前。丹棘開。畫屏深幾曲。掩蓬萊。玉人無語。立瑤

玉真詩 卷下 一
帝斜日外漁市亂烟中。多病文園兼作客。天涯信斷
難通。可憐長夜正思儂。寸心蕭寺雨。殘夢隔江鐘。

陳其年云是君家
文敏公得意畫

中蝶戀花

虎阜僧閣

檢點韶光春又去。羈思無聊。鬢借吳山住。寂寂招提花
幾樹。荒巖只有幽禽語。惆悵故人分手處。目斷雙魚。
良會渾無據。欹枕小樓聽夜雨。相思一點燈光聚。

鄒程邨云聚字妙
絕向來無人拈出

贈妓

茜裙窄地腰支顫。梅豆拋人。低露黃金釧。綠醕殷勤郎
自勸。興酣漸覺嬌波緩。笑剔銀燈回粉面。旋脫羅衫。
瑞雪胸前見。鴛帳橫陳紅玉軟。憐他臂上雙鸞煖。

陳椒峰云褻矣然
南宋人時亦有之

送彭羨門往吳門

匆匆無計畱君住。分手江亭。芳草廉纖雨。風雅而今誰
共語。畫橋悵望帆飛處。約道重來三月暮。開遍酴醿。
荏苒春光去。若到金閶君記取。愁多莫賦銷魂句。

唐多令

庭前新植小桃纔開數萼以酒祝之

無語曉妝慵。胭脂數點紅。愛。亭亭。夕照樓空。渾似綠鬟。剛十五。偏容易。嫁東風。春色不須濃。春情在此中。漫愁他蜂蝶匆匆。料道消魂今歲始。常許我一樽同。

田髯淵云雛鶯

嫩柳無限憐惜

蘇幙遮

閨思

碧梧輕紅葉。軟鶯語無聊。頓覺芳菲淺。鴛鴦帳。夢迴金釧。

匾約得隣姬。雙陸閒消遣。別愁濃。清淚滋。郎似楊花。

妾似紅蕉卷。漫把繡衫雙扣撚。柔腸不禁車輪轉。

兄文友云妾似紅蕉卷說得可憐

一剪梅

秋懷

細雨蘋絲葉葉秋。山自悠悠。水自悠悠。寒燈幾點笛聲幽。不是漁舟。便是菱舟。病客天涯悔浪遊。花也增愁。月也增愁。雙魚寂莫淚長流。身在江樓。夢在粧樓。

王西樵云羈旅寒燈讀未二語情悅久之

漁家傲

歸隱

檢點閒身猶未老。莫教名利榮懷抱。澗水蓴鄉歸隱早。塵事少。駕鸞飛處青山曉。此際待將愁悶掃。悠然濁酒東籬倒。拍手浩歌巖月皎。秋色好。蘋花數點潮聲小。

山寺

雲影層層于嶂褭。竒峰削出芙蓉朶。仄磴蒼藤穿磊砢。幽澗坐。飲溪麋鹿聞知我。突兀珠宮留佛火。夕嵐自把香壇鎖。拍拍水禽衝面過。和衣臥。涼蟾一點松梢墮。

王西樵云字字

幽秀涼翠欲滴

周釜山云高竒幽

峭自是世外人語

醉春風

閨恨

一樹繁花擺少箇人兒。在闌干暗拍費沉吟。悔。悔。錯。剪雲鬟。虛傳錦札。相思空害。拚得分開罷。雙淚羅襟。灑枕餘衾。剩爲何人待。待。待。待。屈指幽期。幾番誤了韶華。難買。

張研銘云花簾月檻如聞其聲

行香子

秋思

秋浦溶溶。秋嶺重重。恨登臨、水杳山窮。愁人心上，何處相逢。在鴈聲邊，葉聲外，雨聲中。三秋作客，十年心事，恨迢迢、芳訊難通。爐烟初碧，燈蕊徒紅。任羈懷冷，吟懷淡，酒懷慵。

青玉案

滕玉閣

萍蹤又踏章門路。正高閣、斜陽暮。寂寞一尊空吊古。秋

水長天。落霞孤鶩。端的才人句。雲帆極目紛來去。檻外江流自吞吐。試問昔人高會處。漁歌四起。藕花蕭瑟。依舊西山雨。

徐野君云淡然寫去懷古情深兄文友云流水東邊舊時月夜深還過女牆來彷彿此意然寫得又別

憶舊

東風吹綻。不替樹。又陌上飄殘絮。腸斷畫橋門掩處。鶯啼蝶舞。小曲榭。記是秋嬾住。而今楚峽行雲去。目斷鴻箋春又暮。寂寞西陵松柏路。桃花舊院春風如笑。

三身詩
五
悔把佳期誤

盧子文云桃花着雨水荇
牽風柔麗之致令人魂消
陳其年云桃花八字正
如劉阮重到天台時

天仙子

春情

葉葉銖衣高閣冷。小鳳泥金飛不定。遠山微蹙學脩眉。
人語靜。疎林暝。月落青驄不見影。夢裡分明花下徑。
攜手不殊鴛鴦翅。並問儂別後苦相思。方欲應風吹醒愁。
對銀缸。雙穗燼。

彭羨門云思冷
情穠腕香舌雋

江城子

詠柳

誰將羌管奏離筵。畫橋邊。酒旗前。細剪春風。鶯語自年
年。最是青青愁不了。常泣露。更啼烟。隋堤殘月影翩
遷。吐香綿。暮春天。飛入玉樓。常伴玉人眠。不信柔腰剛
一捻。能禁得許多憐。

錢葆馥云風流

可愛張緒當年

許漱雪云

香豔幽妍

兄文友云駘宕盡情柳花何幸乃得邀玉
樓之句永豐坊角東園裏其遇當不及此

傳言玉女

秋懷

永夜沉吟夢近人兒偏遠。小窗斜日山似愁鬟亂。欲將
心事訴與暝楓寒。鴈風波平地無端分散。還憶春時
背立花前如怨。蘭膏香漬。試解羅囊看。迢遞仙槎隔着
茫茫銀漢。可憐拖逗青春強半。

盧文子云山似愁鬟亂與訴與
暝楓寒鴈雋語俱不經人道

風入松

寄張蓼匪先生

深秋綠野桂將殘。烟染檀欒。畫簾欹枕無餘事。紅牙度
香裊屏山。回想年時塞上。雪花駝帳初寒。從來勇退
急流難。贏得身閒。初衣嬋媛真堪羨。又何須跨鯉乘鸞。
容我鹿門負米。同君鶴浦投竿。

兄文友云雪花駝帳
相形語出之隄然

御街行

題太湖傍精藍

小亭無數秋雲壓。雨篠涼侵。榻簾前千頃。卽澄湖點點。

青螺插有箇高僧赤髭白足說盡生公法
十年慣把溪山路野鶴孤飛匝此中撒下萬千般消受茶槍菜甲
松陰夜靜長歌岬憤皎月織痕捻

彭美門云押險韻精工乃爾
此中有工夫非容易可到

婆羅門引

秋夜飲張荆門齋

重陽近也楓殘菊嫩不勝秋遠峯相對如愁且喜閒齋
無事脫帽暫淹留看張郎新句瀟洒風流
吟仙醉候問此樂人知否花下雙螯在手一笑奚求紅燈影裏聽

清談靡靡勝玉劉更何用趙瑟齋謳

况榕菴云曠懷
閒致筆墨俱爽

紅林擒近

送張忍齋先生之廣陵和周美成韻

雲影輕蘋嫋雨絲殘桂香鷗烟浮遠嶼漁火亂橫塘江
上青山如畫最喜盡入蓬窗邗溝衰柳啼妝何處弄絲
簧萬里滇南客築室老萼鄉淋漓翰墨風流不數齊
梁想蕪城夕照紫萸翠袖登高傾盡菊花觴

許澈雪云
風韻飄然

兄文友云如許警語是清真集所無

祝英臺近

會稽道中用辛稼軒韻

霽烟輕。涼月澹。腸斷西陵浦。松露廉纖。灑遍蓬牕。雨可憐。舊日青山無人吟。眺筭誰肯移家暫住。憑闌覩幾株垂柳。陰邊屬玉。遙堪數萬壑。千巖猶記虎頭語。任他客帽頻欹。邨醪半醉。聊目送亂雲歸去。

計子山云讀舊日青山無人吟眺二語非山靈知己安得深情如此乎

柳初新

壽張持三先生內君

桂香蟾影雕闌折。喜色遠中秋節。鳳簫輕按。鹿車雙挽。偕隱風流高絕。綠野林泉迥別。羨樊劉並傳僊訣。掌內珠光如月。徧庭堦芝芬蘭茁。花間孟案。簾前萊綵。盛事一時誇說。遙望玉樓瓊闕。待携將玄霜絳雪。

兄文友云蘭香之降張碩智瓊之降竒超以無此孟案耳如此詞竟可向仙人驕語尚何羨玉樓瓊闕耶

驀山溪

西湖

湖光如鏡。雙槳凌波去。鶯語正鈎輈。遍長堤落紅飛絮。

歸來半醉腸斷玉樓人蓮葉帶藕絲衫斜倚闌干暮
柔藍幾疊濕影聯殘露暝樹帶鐘聲渾忘却畫橋歸路
花時月夕贏得此身閒鸚鵡殘鳳凰槽莫把韶光誤

盧子文云

神似少遊

兄文友云蒼水詞妙在情深
而筆姿妙麗復足以達之

長調

八聲甘州

懷吳六益

看白榆歷歷近秋河玉露灑空庭問羈人獨夜故園歸

夢幾度魂驚屈指舊時文社良友半凋零遙想孤吟處
瘴黑嵐青當日江樓送別記瓊筵酒罷慷慨揚舲知
天涯近來詩句比南金翠羽價非輕衡門下遲君偃仰
菰飯蓴羹

沈雪峰云跌宕

流美一往情深

滿江紅

壽張研銘五十

五柳高齋恰對着一泓秋水繞溪畔檀欒婉變輕鷗飛
起萊甲風前蕤蕤綠荳花雨後垂垂紫問何人負未學

麗。賢。如。此。白。藤。杖。青。棕。履。紅。螺。瑤。烏。皮。几。看。豪。吟。
痛。飲。誠。哉。名。士。蔣。徑。久。忘。賓。與。主。遽。年。莫。問。非。和。是。但。
相。逢。箕。踞。對。斜。暉。浮。春。螳。

曹次典云寫景閒適寄興高曠
真有青松白石披襟散髮之致
許漱雪云寫得春
容高曠躊躇滿志

重到西湖憶舊

繡。甸。春。濃。酒。帘。外。青。山。無。數。還。記。得。桃。花。滿。院。劉。郎。前。
度。紅。燭。畫。橈。臨。別。酒。碧。簫。殘。雨。相。思。路。看。韶。光。零。落。斷。
橋。邊。斜。陽。暮。無。限。景。烟。中。樹。無。限。意。風。前。絮。對。澄。湖。

如。鏡。玉。人。何。處。艷。影。尙。疑。花。欲。笑。麗。情。只。有。鶯。能。訴。歎。
西。泠。松。栢。自。年。年。風。流。悞。

彭羨門云婉約雋

爽撥周秦之長

陳山農云筆鋒飛舞都
無恒態似張緒少年時

寄懷陳山農

寄。語。陳。郎。還。記。得。吳。趨。行。樂。明。月。夜。鴟。絃。鳳。管。共。傾。鑿。
落。遲。日。玉。杵。花。下。艇。翠。微。蠟。展。烟。中。閣。想。那。年。光。景。總。
消。魂。渾。如。昨。且。學。織。桃。椎。屨。且。學。賣。韓。康。藥。又。何。妨。
遠。蹈。蕪。城。跨。鶴。况。是。竹。西。歌。吹。地。一。時。琴。酒。堪。棲。托。問。

董生踪跡近如何仍漂泊

時余客吳興

諸乾一云猶憶余與樗亭山農携筇躡屐徧歷吳山水此時漁射剪燭僧舍聯床長歌短詠晨夕拍浮可謂極物外之樂倏忽五載山農僑寓廣陵樗亭踪跡汗漫余亦獲伏荒山回思往事恍如夢寐讀樗亭此調婉曲纏綿如聞洞簫錦瑟能不令人惘然移情乎兄文友云筆勢如走阪之丸何其流麗頓挫乃爾

丁未夏溇濱人剖蚌得徑寸大珠賦此紀異

三○溇○淒○涼○忽○變○作○珠○池○璀璨○豈○果○有○孟○嘗○廉○吏○夜○光○復○煥○何○處○忽○收○鮫○客○淚○誰○人○敢○把○驪○龍○探○看○掌○中○徑○寸○火○齊○圓○非○常○玩○赤○水○曲○崑崙峴象罔索離朱微惟江干

夜○夜○蟾○輝○同○爛○金○錯○剖○來○胎○似○玉○晶○盤○擎○出○光○微○紺○似○匹○夫○懷○寶○罪○何○辭○還○堪○歎○

王嶽文云詞亦如明珠照乘光怪陸離

王西樵云奇光燭人即非碧眼波斯亦當知其為寶

許漱雪云微文刺譏滑稽之雄非耶

水調歌頭

懷西江李維饒

自○別○同○心○友○倏○忽○五○春○秋○不○知○別○後○消○息○千○里○思○悠○悠○地○占○南○州○之○勝○人○在○東○京○以○上○談○笑○盡○風○流○回○想○龍○沙○

景爛熳夢中遊。雲如醉烟如怨。月如愁。荒城簾築不堪。還倚最高樓。聞道燕山歸去。復向瀟湘作客。奇句錦囊收。恨乏晨風翼。與汝訪丹丘。

鄒程邨云意氣

激昂才人本色

許漱雪云

悲涼凄切

壽何履方

螺。瑤。浮。瓊。液。鳩。杖。映。華。顛。秋。來。恰。遇。佳。景。巖。桂。凝。晴。烟。本是竹溪六逸。堪入香山九老。丰韻自翛然。不作黃梁夢。惟檢白雲篇。柴門靜。松徑僻。日高眠。丹青妙理直。

將筆墨當談禪。吾欲借君彩筆。便擬寫君入畫。儼似畫

中。僊。蟾。影。和。秋。色。瀟。灑。自。年。年。凝音佞唐詩日照凝紅香又落絮無風凝不飛

杜少陵詩晴窗

檢點白雲篇

毛稚黃云揮灑淋漓愈折愈深愈深愈出此

又於詞學而得禪理者也讀之使人拈舞

許漱雪云

筆歌墨舞

滿庭芳

春遊

巖腹歆紅湖唇。罨綠春光。此處偏饒。丹襟雙燕飛過。赤欄橋人似。東風無力。梨花夢魂斷。難招高樓上。玉笙吹。

罷烟月總無聊。迢迢雲水濶。越玉城下獨倚蘭橈。歎十年行役素髮飄。蕭蕭記取三生石畔尋舊約。幾度魂消。山深處烹苓刷木容我伴漁樵。

錢葆勳云脚躡含吐言外情深

王西樵云即起手二句已勝宋人鶯鶯燕尾之句通體之秀又不必言

蘆花

崖暝侵雲江寒妬雪。蕭蕭聲遍。秋風傷心客路搖落正。相同十月江南暮景空。凝望烟雨冥濛。誰為伴鷗汀紫蓼漁舍更丹楓。孤篷還夜泊。一聲殘笛數點離鴻。更

憐他寂寞露葦霜叢。偶爾斜陽影裏還誤認柳絮漫空。青山外平波渺渺幾欲泣途窮。

王西樵云字字追魂奪魄可與章質夫咏楊花水龍吟相敵

鳳凰臺上憶吹簫

閨七夕

鶴馭重逢鵲橋仍架。銀河衣舊迢迢喜雙星尊酒又得相邀。翻覺幽期容易笑人間別恨空勞。鍼樓畔荷香欲斷。桂露初飄。魂銷歡娛再整。念此夜姮娥碧海青霄。羨風流佳話較勝初遭。每歲相逢兩度又何須暮暮朝朝。

朝低聲祝年年但願常聞今宵

許漱雪云語語回

翔閣字秀蓀襲人

張研銘云有樗亭作秦淮海金風玉露一相逢便勝却人間無數不得獨擅千古矣

醉蓬萊

賀宋荔裳觀察得子

羨蘭臺詞客久擅雕龍年華未老骭躄風塵喜宦情偏
好醉墨霏烟吟船弄月夢斷吳山曉桃葉江邊莫愁湖
畔春風來早欣覩瓊塔桂枝初長佳氣克閭金錢繡
襍玉骨非凡似神駒騾裏此際香閨紅妝群擁看軒渠

含笑子夜笙歌沉沉鳳蠟玉山醉倒

王西樵云荔裳生子書來索余為詞余以不易得佳遁而為七言古詩今觀樗亭之作一何絕俗也
陳山農云筆墨如畫真可被之管絃

玉蝴蝶

病鶴

本是青田仙客暫辭碧落謫向塵寰極望蓬瀛萬里天
路漫漫林颶急縞衣凋素巖日澹砂頂摧丹夜方寒聲
微力弱難徹雲端嬰跚不翔吳市未歸華表孰駕緱
山獨立寒溪自憎形影遠衰殘籬落邊漫隨鷄鶩女牀

側空羨鷓鴣。鸞近雕欄。有人相對同病堪。歎。

金天石云此標亭托物自况也聲情悽惋不堪再讀
兄文友云高秀婁婉自負自憐使僕脚躅欲絕

上巳

試入翠屏深處。花潭竹塢。恰恰啼鶯。此日流觴曲水。更憶蘭亭麴塵波。嬌雲冉冉。蘅臯路。香雨冥冥。畫樓凭柔藍一抹。日澹烟輕。分明柳橋西轉。香車寶扇。曾見娉婷翠袖。朱闌隔花微笑。眼波橫。合歡鞋繡。幫三寸同心。結綵。縷千層暮蟾。生畫艫。歸去幾點紗燈。

王西樵云古大堤曲無此盡致覺香塵隱隱猶在紙上

彭羨門云依稀似笑彷彿聞香似初見雙文時

念奴嬌

述感和彭羨門韻

英雄已矣。把吳鈞拋却。唾壺敲碎。痛哭窮途同阮籍。難乞步兵佳尉。白日黃鷄。催人老去。幾度中山醉。龜毛兔角。歎浮名何年遂。夢魂不到春明。讀書賣下。瀟洒君平肆。落日江亭閒岸。憤羸得持螯斫鱸。故國青山美人黃土。往事徵於鬼。桃笙豹枕。筭人生惟有睡。

周釜山云俊極而壯詞家所不能兼也惟樗亭能兼之
王西樵云四詞與羨門真可謂工力悉敵
即令上官昭容持衡恐亦未易甲乙也

幾許奇才與龍泉並瘞夜光同碎誰是黃梁初夢醒甘
作掛冠僊尉挾瑟燈前遺簪席上且學淳于醉荷衣桂
槩素懷欣此時遂不妨轟飲悲歌吹簫擊筑爛熳屠
沽肆澱水笳箸秋雨後消受素葺丹鱸詞社淒涼酒徒
零落一半嗷嗷鬼黑甜軟飽問醉鄉何如睡笳箸讀平聲蘇子美
詩鳴榔莫觸蛟龍睡舉網時聞魚鼈腥
吾實宦遊無况者旋來隨爾帶笳箸

許漱雪云雄心雋氣直空千古誦之颯颯風生鼻頭出火

和羨門韻寄贈

韶光難再任緋桃開罷黃鸝啼碎人世繁華誰占得漫
說吹簫都尉羯鼓三搥螺卮百罰依舊騰騰醉投竿抱
甕如君此願先遂還想八斗才華金鏘玉戛如聽歌
鐘肆記得畫堂紅蠟煖共噉魚羹鳩鱠浦書逢羊城
夢斷但見盈車鬼屋梁明月照人此際難睡時羨門有南粵之遊

又

咄咄奚為把毛錐初折陶泓摔碎不艷石渠年少客翻

羨羽林諸尉。一葉何來江邊漁父。苦勸三閭醉拂衣歸。去農桑生計偏遂。看他傀儡俳場。科頭跣足容我狂。而肆白苧丹楓時憶女。嘗取郎官鮮鱠。盃底羅浮。曾中雲夢。奇句堪驚鬼。浮生老矣且圖快飲。濃睡。

錢葆馥云廣武歎耶漁陽搗耶塊壘如許應以渴醪澆之

送孫無言歸黃山和曹顧庵學士韻

吾雖未見想其人。孤峭其詩幽絕。踏遍江南江北路。磊落壯心如鍊。高臥蕪城。桃花春雨啼破黃鸝舌。請君試看道旁多少危轍。回望三十二峰。峰峰奇削。已作多。

年別石上浮丘丹竈在。不禁烟霞腸熱。驅犢晴畦撈蠟。暝渚莫歎生涯拙。他時相訪共餐芝草巖雪。

鄒程邨云一起遂突兀縹緲以後點染甚濃真所謂一幅着色歸山圖也許漱雪云異趣紛披觸岫延賞

木蘭花慢

對酒

筭浮生碌碌。止少得一囊錢。且頻喚索郎。亟邀歡伯笑。傲花前富貴。此生休問。儘徜徉山水度殘年。孰慣紅塵短衛。飽圖白社高眠。數弓隙地結茅椽。疎竹。嬾溪烟。

有峰際閒雲。松間野鶴相對。儵然數聲漁。遂何處看斜陽。杲杲下平川。試問鬱单天子。何如酒肆神僊。

元夫人衣庫僊官事

彭羨門云雄豪自喜真堪唾棄一切

許漱雪云瀟酒風流却又悲歌慷慨英雄神僊合為一人能不起舞叫絕

南浦

贈雙溪凌秋渚兼寄家湛思惟孺

茗溪不遇却相逢。在白苧城邊。一見飛揚跋扈。揮灑亂雲烟。暫學韓康賣藥。知通人遊戲。本相兼看白狼。選勝

赤烏乎。古落葉句尤妍。不淺尊鱸逸興。趁秋光獨泛

澗湖船。與爾樽前慷慨。心事兩相憐。寄語吾家雙伯氏。

溪山何處數流年。此時只合高歌痛飲。落花前。秋渚徧遊吳會

復客海陵所著落葉詩贈炙一時故有白狼三句

吳日千云其起也突兀其結也雋永筆無浮藻體無滯思倚聲雖屬小道然非天人交勝不能臻此

瑞鶴仙

壽鶴沙許太史

羨歸來畫錦。許安石東山。暫時高枕。深秋露華冷。正丹楓半醉。黃花弄影。樓空人靜。倚胡床蟾光萬頃。試遙看

撥○春○江○路○蟾○白○螺○青○掩○柴○荆○蒲○團○茗○椀○蝶○夢○初○醒○

盧子文云君賜為絃索祭酒名動禁廷一時贈什甚多然必如樗亭此詞始堪媲美錦城一曲耳許漱雪云

低○回○欲○絕

二○郎○神 第二體

詠黃石榴花
緋○衣○阿○醋○忽○改○做○道○家○裝○束○看○滿○額○鶯○黃○天○然○雅○淡○絕○
勝○猩○紅○鴨○綠○堪○與○姚○家○稱○娣○姒○真○一○樣○嬌○姿○絕○俗○有○林○
外○黃○鸝○飛○來○一○色○繁○枝○如○簇○空○谷○儘○堪○長○日○伴○人○幽○
獨○似○樵○悴○慼○慼○霍○娘○病○起○瘦○比○籬○邊○菊○插○向○雲○鬢○金○

似○掩○映○不○是○丹○葩○穠○郁○想○飛○霜○一○夜○秋○苞○折○盡○珀○珠○盈○

東坡詞石榴半吐紅巾蹙待

飛花浪蕊都盡伴君幽獨
沈雪峰云咏物至此等題極難下筆遠則遺像粘則失神非人工天巧並臻其極者不能佳也讀樗亭斯製不禁叫絕何肖物傳
神盡態極妍一至此乎
許漱雪云工麗所不必言自開花直至
果熟層叠剝換章法有蛛絲馬跡之妙

望湘人

詠塵

看○漠○漠○紛○紛○網○繆○繆○繞○白○晝○非○烟○非○霧○紫○塞○酸○風○黃○沙○
苦○月○散○漫○隴○雲○關○樹○十○丈○馬○頭○緇○衣○化○盡○東○華○舊○路○記○

數點青螺。一片蓬瀛佳景。還省鑾坡視草。芸署裁詩。
玉堂仙境。瑤戈畫戟。把江山來重整。荷君恩。且著萊衣。
戲舞。綠鬢韶華正。永儘教他徐按笙歌。流霞細飲。

兄文友云富貴
語亦復不俗

宴清都

詠苔

箇箇如錢絲。似髮雨餘。益增幽景。小園春去。雙扉畫
掩。落紅初凝。檻外銀塘如鏡。有無數翠鈿相映。遍閒階
那更松根月澹。草際露冷。春永雨繡金鋪。霜粘玉礎。

畫簾人靜。長信宮閒。華清院廢。數點螢影。最喜蕭然。三
徑裝點。箇紫稠綠淨。止許那白鶴幽踪。飛來相稱。

盧文子云讀此覺幽景歷歷風韻蕭然瘦子
慎阿谷之吟江文通山楹之賦一時俱廢矣

春從天上來

贈陸君暘

白髮花卿向梨花。皓月綠醕同傾。宮商自譜樂府新聲。
驪珠一串。分明看輕攏。慢撚掩抑無限深情。正魂消漸
曲終人散。斗轉參橫。當年禁廷寵召。喜子夜瀛臺天
語。崢嶸漢代延年。唐時幡綽。風流今古。齊名旋南馳。叱

撥○春○江○路○蟾○白○螺○青○掩○柴○荆○蒲○團○茗○椀○蝶○夢○初○醒○

盧子文云君賜為絃索祭酒名動禁廷一時贈什甚多然必如樗亭此詞始堪媲美錦城一曲耳許漱雪云

二郎神 第二體

詠黃石榴花

緋○衣○阿○醋○忽○改○做○道○家○裝○束○看○滿○額○鶯○黃○天○然○雅○淡○絕○
勝○猩○紅○鴨○綠○堪○與○姚○家○稱○娣○姒○真○一○樣○嬌○姿○絕○俗○有○林○
外○黃○鸝○飛○來○一○色○繁○枝○如○蔟○空○谷○儘○堪○長○日○伴○人○幽○
獨○似○樵○悴○懨○懨○霍○娘○病○起○瘦○比○籬○邊○菜○菊○插○向○雲○鬢○金○

釵○掩○映○不○是○丹○葩○穠○郁○想○飛○霜○一○夜○秋○苞○折○盡○珀○珠○盈○

東坡詞石榴半吐紅巾蹙待飛花浪蕊都盡伴君幽獨

沈雪峰云咏物至此等題極難下筆遠則遺像粘則失神非人工天巧並臻其極者不能佳也讀樗亭斯製不禁叫絕何肖物傳神盡態極妍一至此乎許漱雪云工麗所不必言自開花直至果熟層叠剝換章法有蛛絲馬跡之妙

望湘人

詠塵

看○漠○漠○紛○紛○細○縷○繚○繞○白○晝○非○烟○非○霧○紫○塞○酸○風○黃○沙○
苦○月○散○漫○隴○雲○關○樹○十○丈○馬○頭○緇○衣○化○盡○東○華○舊○路○記○

江南春景佳時細逐落花飛絮。誰把紅牙暗度。見畫
梁簇簇飄來無數。何處印香痕。愛殺玉弓微步。日長靜
對虛牕。弄影傍着爐香。幾縷筭人世弱草。輕棲只合清
歌緩舞。楊孟載有此詞詠塵者而
替其意未盡故偶拈此
許漱雪云鏤聲繪影盡態極妍
何物文心具鶴背飛仙之致
錢藻翻云視眉庵
作真覺後來居上
兄文友云花明日麗讀此
妙詞便欲收却茂弘之扇

夜飛鵲

寄懷張處中

故人遊未返。目斷南雲。雙魚消息空聞。越山迢遞幾千
里。嶺梅落盡餘春。丈夫天涯寄跡。喜主人同調。杯酒情
親。葛巾櫻屨看飄然。七尺閒身。試上鳳凰山望。海氣
拍長空。蜃霧氤氳。更有丹梯石室。枕柳萬樹翠羽成群。
眼前奇景。是天教付與詩人。待少文遊徧。故園歸隱。同
採秋尊。

鄒程邨云崢嶸

清壯思曲情深

許漱雪云寫
來倘恍生動

沁園春

潮陽太守宋讓水遠惠詞稿兼餉方物賦此寄

贈

所○謂○伊○人○羊○城○之○左○鰲○浦○之○傍○看○五○馬○春○行○層○峰○矗○矗○
雙○幡○夕○指○漲○海○茫○茫○鸚○鵡○群○飛○荔○枝○初○熟○絕○勝○江○南○櫻○
筍○鄉○更○堪○羨○有○巖○花○繞○几○桂○酒○盈○觴○與○來○搵○筆○琳○瑯○
則○詞○賦○蘭○臺○獨○擅○場○記○應○阮○同○時○騷○壇○狎○主○機○雲○並○駕○
皇○路○高○驥○白○髮○詞○臣○青○山○傲○吏○政○治○文○章○兩○不○妨○相○期○
切○惟○月○卿○天○老○清○禁○徊○翔○

錢武子云慷慨淋漓風
流跌宕可謂聲情雙美

見文友云醉則由他醉還勝獨睡時一則字安
頓最好後遂無有繼者蒼水用此字亦復自然

湖上送鄒程邨之江右

何○處○逢○君○西○子○湖○邊○招○提○畫○樓○歎○羈○客○重○來○不○堪○凝○眺○
才○人○久○別○依○舊○風○流○鳳○蠟○花○輕○螺○卮○酒○膩○痛○飲○豪○吟○夜○
未○休○揮○毫○罷○看○烟○霞○亂○灑○珠○玉○難○收○而○今○便○往○南○州○
聽○鴨○鳩○啼○殘○章○水○秋○况○玉○驄○芳○草○王○孫○未○返○珠○簾○細○雨○
帝○子○空○愁○客○裏○相○逢○客○中○送○別○此○際○輸○君○汗○漫○遊○須○珍○
重○記○相○思○兩○地○楚○尾○吳○頭○

王少麓云駘蕩婉麗
極於景言情之妙

長調

留松閣

許激雪云俊邁之氣不假雕
鏤但覺烟波嵐靄空中飛動

摸魚兒

寄盧文子

見小園黃花開。徧簾。策斜陽。依舊唾壺擊碎。正無聊。况
值悲秋時候。簷雨驟。兼數聲。落葉映壁。燈光瘦。浮生大
謬。筭龜背刮毛馬頭。生角。何時成就。黃梁夢。早被盧
生看透。寧待疎鐘。殘漏。建牙吹角。尋常事。只愛白雲翠
岫。若知否。歎多少。英雄末路。空回首。花前邂逅。同作醉
鄉遊。長吟短詠。莫使雙眉皺。

鄒程邈云慷慨用壯唾壺欲碎
想見其芥視一切傲然自得時

賀新郎

懷陳其年

試數詞壇彥。惟陳生。奇葩逸藻。波騰雲卷。手展麥光傾
八斗。競道楊班。再見聽清論。靡靡忘倦。海內真才能有
幾歎。從來風雅。時人賤。休浪詡雕蟲擅。石城花月。同
畱戀。正良宵。銀箏翠袖。鸞箋題徧。別後酒徒零落。盡爾
我飄飄。蓬轉止。餘得愁絲。恨片不信董公稱健者。已十
年。瘦損風塵。面空搔首。淚如霰。

巖脩人云歷落頓挫姿
態潢出想見髯公風致

西樵云髯負奇才亦復有奇窮讀
從來風雅時人賤之句為感慨久之

偶作

貧也原非病。悵蕭然。桑樞蓬鬻。褐衣塵甑。底事屋梁。恒
仰面。羸得窮愁。愈甚。請從此停披。輟咏。謝絕墨卿毛穎。
輩任江花零落。邊笥罄北牕。下惟高枕。莫誇繁露才。
名盛到如今。下帷何用。窺園不禁。蠻觸功名。安足貴。早
已邯鄲睡醒。况窮達從來有命。暇日。搢笏。携斗酒。正花
時。不負登臨。與誰似。我麋鹿性。

許漱雪云高才不偶古
今同慨讀此唾壺欲碎
兄律始云音調蕭
颯多商羽之聲

為歸懸弓納姬作

孰謂歸生老。看翛然。烏巾鶴氅。風姿猶好。偏喜鏡臺容
易覓。扇底嫣然一笑。况才比温郎。還妙架上彩毫。應禿
盡須另尋。銀管青螺。掃知長夜。被花惱。莫姬秋燕。同
潦倒。間生平。容成秘術。些些可曉。種玉仙緣。天付與。消
受翠鬟嬌小。真妬殺。鵲橋天表。但得茂陵人似玉。任白
頭。大婦貽詩。誚詫掌上明珠耀。

注蛟門云卓氏白頭吟足以回長卿之意此云但得
茂陵人似玉任白頭大婦貽詩誚較長卿不更為薄
情人耶詞中寫得酣
暢覺此老與復不淺



